Kalteberatasuna Mozilla Thunderbirden

CYBERZAINTZA-ABISUAK

TLP: CLEAR

www.zibersegurtasun.eus

EDUKI-TAULA

Erantzukizunetik salbuesteko klausula

Dokumentu hau Zibersegurtasunaren Euskal Agentziak erakundeen eta herritar interesatuen segurtasunaren alde beharrezkotzat jotzen dituen alertak gizarteratzeko helburuz sortu da. Zibersegurtasunaren Euskal Agentzia ezin da jo, inola ere, Zibersegurtasunerako Euskal Agentziaren webgunean emandako informazioaren edo erreferentzia egiten zaien teknologien erabilerak eragin ditzaketen kalteen erantzuletzat, ezta kanpoko web-orrialdeetarako esteka bidez sartutako bestelako informazioaren, software produktuen edo Zibersegurtasunaren Euskal Agentziaren webgunean edo alertan ager daitezkeen beste edozein informazioaren erantzuletzat ere. Edonola ere, alertaren edukiak eta mezu elektronikoen bidez eman litezkeen erantzunak iritzi eta gomendioak dira, hemen bildutako terminoekin bat etorrita, eta emandako informazioaren ondorioz ezingo da eragin juridiko loteslerik sortu.

Salmenta debekatzeko klausula

1. Laburpen exekutiboa

Mozillak segurtasun-abisu bat igorri du, **Mozilla Thunderbird** posta elektronikoko bezero multiplatafomari eragiten dion kalteberatasun bati buruzkoa. Kalteberatasuna **larritasun handikoa** da, eta CVE-2024-1936 identifikatzailea du. Akatsaren ondorioz, zifratutako mezu elektronikoen gaiak beste elkarrizketa batzuetara filtratzen dira. Izan ere, PGP zifratzeak mezu baten gaia aldatu dezake, lehenengo mezua deszifratu bitartean beste bat aukeratuz gero.

Fabrikatzailearen segurtasun-politika dela eta, momentuz ez da kalteberatasun horren informazio zehatzik eman, ustiapena saihesteko.

Hori dela eta, espezifikazio teknikoek mugatuta jarrai dezakete erabiltzaile gehienek fabrikatzaileak eskainitako segurtasun-eguneratzeak aplikatu arte.

Fabrikatzaileak argitaratu ditu jada eguneratzeak eta dagozkion arintze-neurriak, eta hala, zuzendu du nabarmendutako akatsa. Beraz, kalteberatasun horiek eta beste batzuk prebenitzeko, sistema eta aplikazioak eskuragarri dagoen azken bertsioaren arabera eguneratuta izatea gomendatzen da, dagozkien adabakiak argitaratu bezain laster.

2. Kaltetutako baliabideak

- Firefox Thunderbird: 115.8.1 baino lehenagoko bertsioak.

3. Azterketa teknikoa

Abisu honetan landutako kalteberatasunaren xehetasunak hauek dira:

CVE-2024-1936: mezu elektroniko bateko gai zifratua beste mezu elektroniko arbitrario bati esleitu dakioke modu desegokian eta iraunkorrean, Thunderbirden tokiko cachean. Ondorioz, kutsatutako mezu elektroniko bati erantzutean, erabiltzaileak gai konfidentziala hirugarren bati filtratu liezaioke ezustean.

4. Arintzea / Konponbidea

Ohikoa den bezala, kalteberatasun hau eta beste batzuk prebenitzeko, gomendagarria da sistemak eta aplikazioak beti eskuragarri dagoen azken bertsioarekin eguneratuta izatea.

Eguneratze honek akatsa zuzentzen du eta etorkizunean mezuak kutsatzea saihesten du, baina ez ditu lehendik dauden kutsatzeak modu automatikoan konpontzen. Karpetak konpontzeko funtzioa erabiltzeko gomendatzen zaie erabiltzaileei. Posta elektronikoko karpeten laster-menuan dago aipatutako funtzioa, eta gaien esleipen okerrak ezabatzen ditu.

Eguneratze-jarraibideak esteka honetan kontsulta litezke.

5. Erreferentzia gehigarriak

- Segurtasun-abisua.
- CVE-2024-1936.


cyber
zaintza
BASQUE CYBERSECURITY AGENCY